

## DECLARACION DEL PEN PER L'APARAMENT DE LA DIVERSITAT LINGÜÍSTICA

*Lo PEN Internacional recampa los escrivans del mond. Fa quinze ans, la Declaracion Universala dels Dreches lingüistics es estada aprovada e renduda publica a Barcelona per lo Comitad de la Traduccion e dels Dreches lingüistics del PEN Internacional. Uèi, aquel meteís Comitad recampat a Girona aprova un manifest qu'afortís los dètz principis fundamentals d'aquela declaracion universala.*

1. La diversitat lingüistica es un eretatge cultural de l'umanitat que deu èsser valorizat e protegit.
2. Lo respècte de tosas las lengas e de tosas las culturas es un element fundamental per bastir e mantèner lo dialòg e la patz dins lo mond.
3. Tota persona apren a parlar au dintre d'una comunitat que li dòna la vida, la lenga, la cultura e l'identitat.
4. Las lengas diferentas e los biais diferents de parlar son pas solament de mejans de comunicacion; son tanben de mitans diferents, ont los umans s'espelisson.
5. Cada comunitat lingüistica a lo drech d'emplegar sa lenga coma una lenga oficiala sus son territòri.
6. L'ensenhament escolar deu contribuir a enauçar lo prestigi de la lenga parlada per la comunitat lingüistica del territòri.
7. Es necite que los ciutadans aguèsson una conoissença generala de lengas diferentas, qu'aquò afavorís una dobertura intellectuala e emocionala e mai contribuís a la conoissença mai prigonda de lor lenga pròpia.
8. La revirada de tèxtes, mai que mai de las òbras màgers de las diferentas culturas, representa un element màger dins lo procés necessari a una compreneson melhora e un respècte mai grand entre umans.
9. Los mèdia son un portavotz privilegiat per far fonccionar la diversitat lingüistica e mai per n'enauçar lo prestigi amb competència e rigor.
10. Lo drech d'emplegar e d'aparar sa lenga pròpia deu èsser reconegut per las Nacions Unidas coma un dels dreches umans fundamentals.